

Nos

HENDENAN

Special

Pa: Mercedes Abdul

Maria Marval:

UNICO VERPLEEGSTER NA ARUBA ESPECIALIZA
DEN ONCOLOGIA (MALESA DI CANCER)

Number: Maria Marval
(conoci como Mayra)

School basico: Rosa College
School avanza: Mater Dei-
huishoudschool

Otro estudianan: Ziekenver-
zogster, Verpleegkundige-A,
Specialista den Oncologia na
Hulanda

Trabao actual: Oncologie
Verpleegkundige na Horacio
Oduber Hospital.


RELATO: Mayra Marval
ta e unico verpleegster spe-
cializa den Oncologia
(malesa di cancer) cu tin na
Aruba. Actualmente e ta traha
na Horacio Oduber Hospital.
Mayra ta relata pa nos seccion
"Nos Hendenan Special" to-
cante su trabao.

"Semper mi a gusta en-
fermeria y na momento cu e
oportunidad a presenta pa mi
bay Hulanda pa studia
mesora mi a probecha di esey.
Mi a bay studia dos aña
Ziekenverzogster cu ta un spe-
cializacion pa traha cu hende
grandi, y despues di esey mi
a keda traha na Amstelhof
unda cu mi a haci mi opleid-
ing. Despues di esey mi a bay
traha na Wilhelmina Gas-
thuis, cual a muda pa Aca-
demisch Medisch Centrum
(A.M.C). Akinan mi a sigui
pa studia pa Ver-
pleegkundige. Ora mi a caba
mi estudio mi a bolbe Aruba
y mi a traha na hospital como
4 aña. Tabata tin un solicitud
habri pa bay studia pa yuda
pacient cu tin cancer.

Na aña 1993 mi a bay Hu-
landa na Antonie van Leeu-
wen Hoek Ziekenhuis. Aki
mi a bay pa 8 luna pa mi stu-
dia Oncologie".

**KICO ONCOLOGIE TA
NIFICA:** "Onco ta un kref y
logie kieren specializacion;
Oncologia ta nifica cu
mescos cu un kref cu tin pia,
asina e malesa di cancer ta.
Loke mi ta haci ta duna e
pacient informacion riba e
malesa na e momento cu doc-
ter ta diagnostica cu e tin un
cel cu ta maligno den su
curpa.

**Ora docter ta splica un
pacient kico ta bay pasa y cu
esaki no ta delaster dianan di
su bida; pasobra ora bo**



scucha cu docter bisabo cu bo
tin cancer, ya bo ta kere cu bo
ta bay muri, pero awor no
mas, e ora ey mi ta duna e
persona informacion kico e
tin cu haci pa preveni cu e
malesa tuma forza riba dje;
dune curashi, pa e por bringa
e malesa.

Si e pacient tin cu opera mi ta
dune informacion kico e tin
cu haci despues di operacion
y si e tin cu bay bestraling.
Tur e informacionnan aki mi
ta duna cu e specialista
(ciruhano) su autorizacion.
Bestraling ta tuma lugar na
Curacao anto prome cu un
pacient bay aya e tin cu dre-
cha su papelnan. Den esaki
mi ta yude hunto cu secretaria
di docter R.Veen cu ta e radi-
oloog di Curacao, y tambe cu
Departamento di Salubridad
Publico di Aruba cual ta paga
e hospital cu e tratamiento.
Tambe mi ta duna e pacient
informacion tocante loke e tin
cu hiba cune, y ora cu e bin
bek con e tin cu cuida su mes
y cu e tin cu keda den control
cu su docter di cas y/of su
specialista".

SEGUN CIFRANAN:
"Cancer ta un malesa cu no ta
discrimina; e ta birando dia pa
di mas. Nos no sa si ta debi na
e manera con nos ta come of
biba, pero no tin un manera pa
preveni esaki. Na Aruba actu-
almente nos ta dunando
quimioterapia y nos ta ripara
cu ta biniendo mas pacient dia
pa dia pa haya e tratamiento
aki.

Segun cifranan cu nos dis-
pone di dje na 1994 nos a
duna 370 tratamiento; pa 1996
ya a cantidad a crece te 681
hende cu a haya tratamiento.
Ya por mira un diferencia
grandi di cuanto hende ta hay-
ando e tratamiento fuera di es-
nan cu ta bay afo pa tuma
tratamiento, e.o., Merca y
Venezuela".

**BESTRALING Y
QUIMIOTERAPIA:**
"Bestraling ta un machine cu
ta saca straal. E ta duna e
pacient un sorto di rayo cu ta
bin riba e parti unda cu e doc-
ter a marca riba e cuero di e
pacient cu ta caminda e tumor
tabata. E ta keda un par di
minut eyden, loke no kier-

men cu e pacient ta keda cu e
rayo den su curpa, pero ora e
tratamento caba e persona por
actua normal. Si ta asina cu
bestraling por marca e cuero
temporalmente, pone un tiki
mas scur (depende di cuanto
tempo e pacient ta haye) loke
despues ta disparece.

Cu bestraling e cabey di e
pacient por cay pero esey ta
depende na unda nan a bestral
bo. Tin hende cu cancer cu
nan cabey ta cay of bira poco
sin cu nan bestral na cabes,
debi na stress.

Quimioterapia ta cu bo ta
haya tratamiento medicinal
sea door di infuse of angua.
Tin di e remedinan aki cu ca-
bey di e pacient si ta cay den
mas of menos 3 siman. E
tratamiento aki ta worde usa
despues cu un pacient ta caba
di haya bestraling; por ehem-
plo despues cu di un mamma-
tomia (operacion di pecho).

Quimioterapia ta bay den e
sanger di e pacient pa kita e
resto di e celnan malo cu por
a keda atras, y pesey e pacient
ta sinti su mes hopi malo, ya
cu e no ta mata e celnan malo
so, pero ta mata esnan bon
tambe".

**MESTER DUNA
FORZA:** "Hopi biaha me-
ster duna e persona hopi
curashi pa nan sigui e
tratamiento. Esey ta tumami
hopi tempo y tambe mester
includi e famia den e
tratamiento, pa nan por duna e
pacient forza y fe, y pa wak
pe pa ora e bira hopi malo
busca ayudo medico na
tempo, ya cu den algun caso
e pacient ta resisti su mes na

sigui haya tratamiento".

**CONTROL TA NECE-
SARIO:** "Debi cu riba ter-
eno medico semper por
detecta un malesa na tempo, e
chens di biba mas largo ta
mehor. Pesey ta necesario pa
tur hende en general haci un
chequeo medico siquiera un
bez pa aña, y nan bay busca
resultado na docter, pasobra
tin pacient cu no ta hacie.

Tambe personanan cu a
worde opera di cancer mester
sigui control regularmente pa
asina nan salud no bay atras".

**CANCER MAS
COMUN:** "E tipo di cancer
mas comun actualmente na
Aruba ta esun di cuero. E ta
ocupando e prome lugar; des-
pues ta bin esun di pecho
(mamma); ta sigui di tripa,
proestaat, ovario y matriz,
garganta cu pulmon, boca y
un ke otro caso di cancer
manera riñon y weso, entre
otro nan cu tin poco caso".

CONCLUSION: "Pa con-
clui loke mi kier bisa ta pa tur
persona siña conoce nan
curpa bon, y pa nan bay doc-
ter na tempo y cu si nan no por
comunica bon cu bo docter di
cas busca un segundo opinion
cerca otro medico. Aki na
Aruba mes por haye, sola-
mente bo tin cu paga pe, loke
tog ta salibo mas economico
cu bay afo. Importante ta cu
bo mes busca bo resultado di
testnan tambe y no keda
warda te ora bo bolbe bay
docter aki un par di luna.
Esaki ta un manera pa
y pa bo sa kico bo tin
sea un simple infecti